



Uqauti

Kavamatuqatkunni Katimayiit Ministauyut Nuutirningit

July 15, 2013
Iqaluit, NU

Hivuliqt Eva Aariak tuhaqtipkaqtitaa una uqauti:

“Uqautigiyatka quviahughuna, aallanguqtirniit Kanataup Angiyuqqaqyuanga Stephen Harper piliuqhimaliqtaa Katimayiit Ministangit uplumi. Nunavutip havaqatigiiknia kavamatuqatkunni anginiqaqtuq hivunighaanun piliulihaarhimayumi nunaptiknun. Piqalirluni nutaanik havaktighanik uvani kavamatuqatkut Katimayiit Ministanginni katimaviani piqaqtuq nutaanik havagutighanik pipkainikkut ihumaliuqtiiit Ottawa-mi qauyihimattiaqtut Nunavutip ihariagiyaannik aallangayumiklu innanganik Ilaunirmi.

Quviahuktunga Nunavutip Katimaya Maligaliuqvikuarmi, Leona Aglukkaq, tikkuaqtauhimayuq Ministaulirhuni Avatiliqiyikkunnun.

Nunavunmiutaupluni tunihiniaqtuq Ukiuqtaqtumit tautukninganik ihumaginirnun hilaup aallanguqtirnianun, halumairnianun tariuptiknun uumungalu piyumanirmun aatjikkiiktiqarnirmun piangaiyarnikkut pivallialiurnikkut uumunga avatikkut hapumminiganun. Niriuqtugut una nutaaq havagutighak tunihiniaqtuq hulaqtighanun Minista Aglukkaq pitjutittaaqtuq Ikhivautaupluni uvani Ukiuqtaqtumi Katimayiinni.

Pitjutigipligit Nunavut Kavamatkut, quviahuutigiyatka tamaita nutaat Ministat niriuqtungalu aularaanginnaqtumun havaqatigiiknirmun kavamatuqatkunni ukunani ihumagiyaayuni atautikkut piyumayaayuni ihumaaluutigiyauyunilu Nunavunmiunnun.”

###

Tuhaqtipkainikkut Uqaqatigivighaq:

Pam Coulter
Aulapkaiyi Tuhaumapkainikkut
Kavamaliqiyikkut
867-975-6049
pcoulter2@gov.nu.ca

ᓇᓱᐊᕗᑦ ዘመᓂ ላጀጀ ለጀጀ ለጀጀ ለጀጀ
News releases are available in Inuktitut, English, Inuinnaqtun and French on www.gov.nu.ca.

Tuhaqttaghat ittut Inuktitut, Qablunaatitut, Inuinnaqtun Uiviiititullu talvani www.gov.nu.ca.

Les communiqués de presse sont disponibles en inuktitut, en anglais, en inuinnaqtun et en français à : www.gov.nu.ca.